

far altro in suo locho. Et vene zoso Pregadi a hore 2 di note.

Di campo, vene letere a hore do di note di sier Domenego Contarini provedador zeneral, date a di primo. Zerca quelle occorentie; et che francesi, zoè il gran Bastardo di Savoja, voriano batter al castello, e tutti i lanzinech è zonti in campo, e li nostri bater a Monbello. Et Baldisera di Scipion à tolto il cargo di le artelarie, et missier Zuan Giacomo Triulzi à visto l'opinion sua et li piace assae; con altre particularità. E come Mercurio Bua, con li stratioti, havea preso tre citadini cremonesi rebbelli dil Re, datoli taja ducati 3000, et missier Zuan Giacomo li mandò a dimandarli, dicendo lui li daria la taja, et Mercurio ge li mandò, dicendo non voler altro da soa signoria; el qual missier Zuan Giacomo li mandò scudi 2000 etc.

149* *A di 4 la matina, Domenega.* Veneno in Colegio domino Martino et Domenico di Malo, fono secretari del signor Bortolomio Liviano capitano zeneral nostro, et avisoe el corpo dil dito capitano in una cassa portato con bona scorta di le so' zente era zonto a Montagnana, le qual a di 28 dil passato, partino di soto Brexa, et la Signoria ordinasse. *Unde* per Colegio, li fo risposto lo depeneseno *secrete*, zonto el sia in questa terra, in chiesia, dove sua moglie vol sia posto, ch'è a San Stefano, e poi si meterà in ordine di farli le exequie.

Di Ruigo, di sier Hironimo Malipiero provedador sora la camera d'Imprestedi. Fo letere di quelle occorentie; qual di ordine dil Colegio è andato li a governar quelle possession e a far converti etc.

Da poi disnar, fo Gran Consejo. Vene il Principe portato da' soi in chariega justa il solito, e fo leta per Zuan Baptista di Adriani, di ordine di Cai di X, la parte di le biasteme e di andar da munege nè a monasteri, advertendo contra i contrafazenti sarà eseguida.

Fu posto una parte, leta per Lorenzo Quarto secretario extraordinario, nè pol lezer parte, *tamen* lexe, ne più fo in renga, *videlicet* che li Cai di Sestier presenti et futuri, possino esser electi dentro e di fuora *ut in parte*; la qual messe li Consieri et fu presa.

Fu posto, per li Consieri, dar licentia a sier Piero Antonio Morexini podestà et capitano di Bassan possi venir in questa terra per zorni 15; qual à certa lite al Colegio di le biave *ut in parte*, et fu presa.

Fo fato eletion di podestà a Vicenza, et niun passoe.

Questi oferseno ozi a Gran Consejo.

Sier Zacaria Morexini, oltra ducati 1000 prestoe de li qual à zà contadi ducati 400, hora di novo dà ducati 100	
Sier Faustin Barbo qu. sier Marco, oltra ducati 500 à imprestado e pagado e mandò so' fioli con homeni a Padoa, mo' dà . . . »	100
Sier Etor Donado di sier Piero, oltra esser stato a la custodia di Padoa con homeni 10 et cavali do, mo' presta . . . »	100
Sier Zacaria Zantani di sier Zuane, oltra esser stato con soi fradeli a la custodia di Padoa, mo' presta »	150
Sier Agustin Griti qu. sier Zuane, oltra aver perso le intrade sue dil veronese et pagà tutte soe angarie, presta . . . »	300
Sier Lorenzo Bondimier di sier Nicolò. Suo padre andò a dir, oltra aver perso quello l'havia essendo Camerlengo a Bergamo, mo' . . . »	100
Summa ducati	850

Electo podestà a Vicenza. 150

Sier Zacaria Morexini, qu. sier Nicolò, da san Zuane novo	591.840
Sier Nicolò Salamon, fo provedador di comun, di sier Michiel	503.855
Sier Faustin Barbo, è di Pregadi, qu. sier Marco	550.811
Sier Lorenzo Miani, fo ai X Savi, qu. sier Giacomo	446.914

Podestà a Conejan.

† Sier Zacaria Zantani, fo camerlengo a Vicenza, di sier Zuane	816.520
Sier Etor Donado, fo executor, di sier Piero	648.683

Due Cinque di la paze.

Sier Zuan Filippo Barbarigo di sier Francesco, qu. sier Beneto	429.791
Sier Nicolò Magno, fo al dazio dil vin, qu. sier Matio	532.655